

INUIT ATAQATIGIIT

INATSISARTUNI



UKA2021/007

28. september 2021

Hans Aronen

2022-imut aningaasanut inatsisissatut siunnersuut.

(Aningaasaqarnermut Nunamullu Namminermut Naalakkersuisoq)

Asasagut nunaqqatigut tamassi ilinniartut qallunaat nunaaniittut nunanilu allani ilinniarlutut minnerunngitsumillu napparsimanertik pillugu nunani allani katsorsartittut.

Nunatsinni tamanut pingaaruteqarluinnartartumut aningaasanik inatsisissamut siunnersuummut 2022-moortumut Naalakkersuisooqatigiit anguniakkatsinnik Aningaasaqarnermut Naalakkersuisumik ataqtigiiqarneqartumik, qaamatinilu marlussunni piffissaqartitaalluni suliarisami siullermeerluni saqqumiunneqartumut, Inuit Ataqatigiinniik ima oqaaseqassaagut.

Suliffissaaleqineq aningoriartoripput takussutissaqarpoq, sulisinnaasullu amerikanerit sulisut paasisimalerparput. Sulisinnaasulli tamarmik sulilernissaat suli aamma suliassaasoq eqqaasitserusuppuget.

AIS2022-lerinermi pukusummiussat.

Angallanermi attaveqaatitigut iluarsartuussinerit ilimagisatsinnik akisunerusut ingerlarsorput, nuannaarutigisariaqarpapulli kinguaassatta inuussutissarsiornikut periafissaanik sineriassuatinnilu angallannermi attaveqaatitigut periafissaqissaarnerunissamik ammaassivigilernerri.

Nunarsuarmi coronap tuniluunnerata inuussutissarsiutitta ilaat pingarnertullu taasagut qajannartumik inissisimatippai, tamanna siornigiilluta sillimartaarnisatsinnik pisariaqalersitsivoq.

Missigersuutinili aningaasartuutit annertuut pituttuisunik siusinnerusukkut politikkikut ingerlatsinermi isumaqatigiissutaareersuupput.

Naalakkersuisooqatigiit kissaataat.

Naalakkersuisut suliniutinik nutaanik ukiuni sisamanut 207,7 mio.kr-t atungasanngortippaat

Maluginiagassaavoq Naalakkersuisut pingaartikkaat Nalagaaffiit peqatigiit piujuartitsumik anguniangaannut 17-sut ilaannut naammassisqarusunnerat. Tamanna Inuit Ataqatigiinniik ilalerparput.

INUIT ATAQATIGIIT

INATSISARTUNI



Aappi nassuerutigisariaqarpoq naligiinnginnerup annikillisarnissaanut, imaanilu uumassulinnik piujuartitsinissamik aammalu 2030 nallertinnagu tamat pitsaasumik ilinniagaqarnissaannik qularnaarinninnissamut manna tikillugu naalakkersuinikkut sulissuteqarneq anikippallaarsimavoq. Tamannalu al-ianngortinneqarluinnartariaqarpoq.

Inuit Ataqatigiit pingaartilluinnarpalput peqqinnissamut inuunerissaarnissamillu kiisalu piujuartitsisumik nukissiuuteqartitsinikkut aammalu naligiinnerulernissamullu anguniakkat qinigaaffimmi matumani anguniakkatta pingaartut ilagimatigit. Naalakkersuisullu apeqqutit tamakku aamma pingaartikkaat nuunaarutigaarput.

Missigersuutini naliginnaasuni, atorunnaareersimangaluarlutik suli aningaaslersukkanik imaluunniit ileqquliutiinnakkamik pissuseqarluni aningaasalersukkanik nalilersuinissaq pisariaqarluinnartoq naalakkersuisut suliarileraat quajrupparput. Aningaasammi utoqqalinersiat ukiorpassuarni uninngatinneqarsimasunut aaqqiiniarnissamut atorneqarsinnaasut nassaarineqarnissaat pisariaqartilluinnaratsigu.

Ilanngullugulu ukiuni sisamani isertitatut sillimmatisanik 80 mio.kr-nik siuertaqarneq tapersorsornarpoq.

Aningaasaqarnermut naalakkersuisoqarfiup Attassisinnaanermut siuariartorisamullu pilersaarummik suliaqarnera soqtiginartutut peqataaffigiuminartutullu tinguarput.

Isertitatigut naligiinnerulerneq anquniangaq pitsaasog.

Nunatsinni inuit akornanni isertitatigut naligiinnginneruleriartorneq annertusiaortoq, uuttuutit atorneqartut takutippaat. Tassanittaqaq takusinnaalerpalput nunarput nunani avannarlernut sanilliullugu inuit akornanni isertitatigut naligiinnginnermik qaffasinerpaajusoq. Tamanna maani inersuarmi ataatsimoorluni allangortilluinnartariaqarpoq,

Kalaallillu nunatsinni naligiinnginneq minnerpaaffissaaniittuarnissaa matumani isumaqtigisiutigisariaqarparput. Taamaalilluta naligiinnerusumik isertitaqrnissaq sulissutigineratigut atungarissaarnermi akunnatoorfitta aningoriartorisaa qulakkiissagatsigu.

Ajornartorsiutilli makkuningga aamma ilaqarput pilersungassagut amerliartortut illuatungaanili inuuusuttut pisariaqartitavut ikiliartorlutik. Tamakkuttaaq siusittumik iliuuseqarfingeqartariaqarlutik.

INUIT ATAQATIGIIT

INATSISARTUNI



Tamakkulu saniatigut Inuit Ataqatigiinni illu pingaartitaraavut pitsanngorsaa-taasumik meeqqat atungaasigut naligiissarnissaat, utoqqaat atukkamikkut sul-linneqarnermikkullu naligiissarnissaat, akileraartarnikkut iluarsartusseqqinnis-sat, isumassuinikkullu ilungersunartorsiornérup aningorniarneqarnissaat.

Kulture Timersornerlu

Piffissanngorpoq Kulturemi sutigut tamatigut periafissiinissamik suliallit (Kul-turelerisugut), aningaasalersuinikkut ineriertortinnissaannut naalakkersuinikkut qanittumik allorassaaqatiginissaat. Taakkummata inuaqatigiinni naleqartita-nik takusaqarlatalu misigisaqarnissatsinnik immersuiuartartut.

Nunatta Isiginnaartitsisarfiata ineriertortinneratigut pitsanngorsaaneq atsaat taama pisariaqartigilerpoq, inuiattut naleqartitagut qimallugit sulineq ukiuni ukunani qaangiuppoq. Taassumalu iluani nutaanik suliassaqarpugut. Eqqumi-itsuliornermut atuarfik nutartertariaqalernikuuvooq malitsigisaanillu eqqumi-itsuliornermik aningaasaateqarfiup pilersinnissaanut aningaasaliinissamut pif-fissaliinissamut oqallittariaqarpugut.

Tusangassiviit soorlu KNR aqqutingalugu Oqaatsitta, kulturetta, ulluinnarnilu inuaqatigiinni pisut pitsasut nunarput tamakkerlugu malinnaaffigineqartut si-uarsarnissaattaaq suliassaavoq.

Kulturekkut suliat ineritinneqartut, kinaassutsitinnik suminngaaneernitsinnillu ilisarineqaaterputtaaq nukitorsartuartarpaat. Taamalilluta aamma takornari-aqarnikkuttaaq soqtiginnilersitsineq annertusartarlugu.

Nunarput nunarsuarmi timersornikkut ineriertorpoq, timersuutinili aralaqartuni qaffasissumik timersortartuutitsinni unammeqataasarnerit ineriertupiluuler-simapput. Timersornerillu inummut sutigut tamatigut peqqinnartuummata ine-risarlugit nunatta iluanissaaq naapisitsisarnernut pilersaarusiukkanik anin-gaasaliisinnaasariaqalersinnaavugut..

Inuit Pisinnaatitaaffiisigut illersuineq.

Inuaqatigiit Ataqatigiit nuannaarutigarput Naalakkersuisooqatigiit suliaq pingaartitarput salliutillugu sulimmata. Naleqassuseq naligiissitaanerlu Inuit Ataqatigiit pilersinneqarnerminniilli politikkianut qitiulluinnarpoq, aamma naligiissitaaneq pillugu sulinermut aammalu pisinnaatitaaffivut pillugit suliner-mut aningaasaliissutit ilaneqartussanngorput.

Kattuffiit (NGO)

ICC allallu inuit pisinnaatitaaffiinut tunngasunik suliallit tassaapput nunattinniik FN-kunnut EU-kunnut toqqaannartumik isummatsinnik apuussiniarnitsinnut

INUIT ATAQATIGIIT

INATSISARTUNI



aqqutissavut pitsasut. Qallunaat naalakkersuisui aqqutingalugit sullinnejart- arnerput qujanaraluqaqaaq, isummanillu naleqartitatinnik tamakkiisumik apus- suisarnissaq kissaatigutsigu aqqutissat pitsasut aporaassutiginagit toq- qartuaannartariaqarpagut.

Inuit Issittormiut siunnersuisoqatigiiffiat (ICC) issittoq sinnerlugu aappaagu nunatsinniik Præsetantiutaqalersussaavoq. Tamannalu aamma isumaqartari- aqarpoq nunatsinniik issittumi suliani kulturemut, piniariaatsinut pinngorti- tamullu tunngasuni nukittuumik inissinnerput. Tamakkulu tamaannarmik aall- artisarluarnissaanut aningaasalersuinissatsinnik pisussaaffilerpaatigut.

Taamaattumik aningaasalersuinissaq eqqarsaatigilliagassaavoq, suliarpassuit ukiuni kingullerni aningaasalersorneqaratik uninngaannalersut angummatsin- nissaat pillugu iluitsumik aningaasanut inatsimmi periarfissinneqartariaqarput.

Akileraartarneq:

Akileraartarnikkut aaqqissuusseqqinnissarput inuiaqatigiit naliginnerusumik atugaqarnissatsinnut aqqutissiuusuussaaq pingaaruteqarluinnartorlu ukiumi nu- taajusumi suliarineqalereertariaqarpoq.

Akunnattumik isertitallit, sulisartut angajoqqaallu kisimiillutik perorsaasut atu- gaat angajoqqaallu isertitakinnerusut isigniarneqarlutik aaqqissuussisoqartari- aqarmat.

Utoqqaat.

Nunarput utoqqaliffigiuminartuuussaaq, utoqqartavullu nunatsiniittut ajunngit- sumik utoqqalinersiaqartinnerisigut inuiaqatigiinni akuutittariaqarpagut.

Utoqqalinersiaqalersussat utoqqalinersiallillu aaqqissuussaasumik sullinnejarlutik siunnersorneqalertariaqarput. Akissaatitigut atukkat pitsangorsaavigineri- sigut, nunani avannarlerni akissaateqartitsinermut ilaatigut assigusumik atungassaqartitilernikkut.

Utoqqarnut immikkoortumi malunnaatilimmik suliuniartoqartariaqarpoq nuna- tsinni utoqqaat peqqinneruleriartornerisa sivisunerusumillu inuuneqarnerisa pitsasut piareersartariaqarattaq.

Peqqinnissaqarfik.

Peqqinnissaqarfip ingerlanneqarnerata aaqqissuuteqqinnejarnissaanut siam- masissumik isumaqatigiissut. Timikkut tarnikkullu toqqissillatalu inuunissarput kikkunnut tamanut isumalerujussuuvooq. Peqqinnissaq Pillugu Ataatsimiititaliar-

INUIT ATAQATIGIIT

INATSISARTUNI



suaq pilersinneqareerpoq, naalakkersuinikkullu sinaakkutissat pilersaarutillu tamnik peqataaffigineqartut suliarineqalersut Inuit Ataqatigiit nuannaaruting-aavut.

Naalakkersuisut Nuummi Dronning Ingridip Napparsimavissuani piartortunut suleqatigiinnik pilersitsinissamut anguniangaat ilalernartippalput. Napparsimal-lutik piartortut anniartorujussuillu anniarnaveersaatnik nappaatillu ersiutaanik sakkukillisaanissamik siunertaqartumik pilersitinissamut suliaqarnerat pisari-aqarluinnarpoq.

Susassareqatigiinnikkut isumassuineq.

Inunnik isumaginnermik sullissineq suliaqartullu atugarisaat pitsangorsagasaapput. Isumaginninnikkut iliuuseqarnerit siunissamut isumassuinissatsinnik qulakkeerinneqataassapput, pisariaqartitavullu tunngavingalugit pilersaarusi-orluakkanik iliuuseqarnissaq pisariaqalerpoq. Meerartavut amerlavallaat pitsaanngitsumik peroriartortitaanerat, meeqqat inuunerisa pitsasuuunissaannik innarliineruvoq tamatta akisussaaqatigiilluta akiorniagassarput.

Siusinnerusukkut iliuuserineqartartut suli annertusarneqartariaqarput. Kommunit kiisalu Qallunaat nunaatalu suleqatingalugit isumaqatigiissutit meeqqat inuusuttullu atungaasa pitsangorsaavigineqarnerat suli nukittunerulerteriaqarpoq.

Meeqqat inuusuttullu ulloq unnuarlu oqarasuaatikkut ammatinsinermik ikiorneqartariaqarnerat pisariaqarluinnarpoq. Pineqartut meeqqatut inuusuttullu kiserliornermik kisimiillunilu aarlerinermik nalaanneqarnerini tussarligillu sernissortariaqarmata siusinnerusumillu ikiorneqartariaqarmata.

Imminut pilersorneq takornarialerinerlu.

Nunap immikkoortuini inuussutissarsiutitigut ineriartortitsinissamut pilersaaruteqartariaqarpoq. Pilersaarusiornerp aallartinneraniilli kommunit peqatigalugit akuutillugillu tamanna suliarineqassaaq. Pilersaarusiornermi isiginiarneqassapput nunatta imminut pilersorsinnaaneranut periarfissat qanoq nunat immikkoortuisa iluaqtigisinnaaneraat.

Nunatsinni imaatigut nunakullu uumasunit pissarsiarineqarsinnaasut ukiorpan-nilu eqqartorusaarneqartunut piffissangorpoq atorluaanerulernissaq. Uumasuuteqarnikkut ineriartortitsinerup saniatigut nunap immikkoortuini avan-narpasinnerusuni silap pissusaata allangorneratigut periarfissanngulersut ilanngullugittaqaq misissorneqarlutittaaq pilersaarusiungassaapput.

INUIT ATAQATIGIIT

INATSISARTUNI



Attaveqaatitigut mittarfiillu atuutilernerisigut takornariaqarnikkut pilersaarutit ataqtigiissaakkat pisariaqartileqqavagut. Takornarissanik aningaasaateqarlu-artunik sullissinerni pisariaqartinneqartunik ineriertortisoqartariaqarmat.

Ilinniartitaaneq atuartitaanerlu.

Meeqqat atuarfiat piillugu kiisalu ilinniartitaaneq tamaat isingalugu isumasioqatigiinnissanik naalakkersuisut pilersaaruteqarnerat tusarluarnarpoq. Tamanna meeqqat atuarfiani angusatigut suleqatigiissutaanissaanik annertussaanermik aammalu susassaqartuni tamani qimoqatigiissutissat pitsasut suleqatigiikkusutsitilersinnaasut nassaariniarneqarnissaannik.

Ilinniartitaanerullu iluani nukittorsaanissani qaffasissumik naammassisinnaanerup kiisalu nukiit pigeriikkat sumiiffinni piginnaaneqarfiusuni annertusarlugillu siuarsarnissaannik qularnaarinniffiunissaat Inuit Ataqatigiinniik kissaatigaarput.

Pisariaqarluunnarpormi nunatsinni ilinniartitaanikkut pisariaqartitavut suunersut qulakkiissallugit.

Aalisarneq.

Inuit Ataqatigiit isumaqarpugut siunissami aalisarnerup ineriertortinneranut sulissat aallartereertariaqartut. Soqutiginarporli nunatta Kangiani aalisarnikkut isumalluutinik nakkutilliineq qulaakkeertariaqartoq aningaasaliisinnaanerlu eqqaarsaatigineqartariaqartoq. Aalisakkatigummi pisuussutivut nakkutigigutsigit nunarsuarmi niuerfinni aalisagaatitsinnik nalittorsaaqataasinnaagatta.

Sinerissap qanittuani qaleralinniarnermi akitsuut pillugu partiini Ataatsimoorfiusumik oqallisigineqartariaqartoq Inuit Ataqatigiit isumaqarput. Kingumut qivi-alaarluni . Akitsuutip pilersinnginnerani sinerissami qaleralinnianut sunniutissat pit-saasut pitsaanngitsullu maani inersuarmi oqallisiginissaat Inuit ataqatigiinniik pisariaqartis-simavarput.

Akitsuutillu atuukkunnaarsinneratigut sukkut aningaasanik matussusiinissaq partiini pitsasumik avissaartuuffiunngitsumilli oqalisigilluarneqartariaqarpoq.

Nunatsinni alisarneq imaatigut inuussutissarsiutitsini pingaaruteqarnerpaatitararput. Aalisarnermullu ataatsimiisitaliarsuaq ippassaaninnguaq isumaliutisiissumminik saqqummiussaqarpoq.

taassuma oqallisigilernissaa Inuit Ataqagiinniit qilanaarilluunnarpalput, partitulli naleqartitatta oqaloqatigiissutiginerisigut suleqataalluarumavugut. Maanilu inersuarmi suliarsartaanut avitseqateqarsinnaanertaaq pingaartituartagarpus tamatumani nageqqissavarput.

INUIT ATAQATIGIIT

INATSISARTUNI



Inuaqatigiinnilu tamani siamasissumik isummersorfigineqartariaqartoq isumaqarluta.

Erngup nukinganik nukissiorneq.

Massakkut iliuuseqanngikkutta Utoqqarmiut Kangerluarsunnguani iluarsaaqqin-nissaq akisunaassaqaarput. Aammalu erngup nukinganik nukissiuutit nutaat pisariaqartikkaluttuinnarpagut soorlu Aasianni Qasingiannguanullu nukissiuuteqarfimmik pilersitsinissaq allaqqukkuminaappoq. Nukissiuutillu taakku marluk ataatsikkut ingerlanneqarsinnaanerat soqtiginarmat Inatsisartuni oqallissutiginissaat aallartitariaqartoq isumaqarpugut.

Sanaartorneq.

Inuit Ataqatigiit nuna tamakkerlugu sanaartornermi aningaasaliissutit ukioq kaajallallugu atorneqarsinnaasunut suli aningaasaliissuteqartoqarnissaa taperserpaat. Manna uagutsinnut pingaaruteqarpoq.

Ineqarnermut oqartussaaffiup kommuninut tunniunneqarnissaa pillugu sulineq Inuit Ataqatigiit tapersersorpaat, aammalu ukiuni tulliuttuni tamanna pillugu tigussaasumik inatsisisstatut siunnersuummik suliaqartoqarnissaa qilanaaralugu.

Naggasiut.

Naalakkersuisut aningaasanut inatsisisstatut siunnersuut piffissakilliorfiusimasoq, sulinitssinnut aallarteriarfissatut saqqummiussaat oqaliisigilluarnissaa neriuutingalugu.

AIS2022-mullu suliakkiutatsinni partiit tamaasa ammasumik suleqatiseraagut. Qulequttat suliassat saqqummiutagut tassaammata inuaqatigiit ukiuni mak-kunani kissaataat. Taakkulu pitsaanerpaamik suliarissagutsigit ilissi tassaagassi pitsaasumik inerititaqarluni suleqatissat.

Inuit ataqatigiit taamatut oqaaseqarluta oqallilluarnissamik kissaateqarpugut.

Suliarlu manna Aningaasarnermut akileraartarnermullu Ataatsimiititaliamut ingerlakkumavarput.